

武梁碑

孝子仲章季章季立孝孫子儵躬脩子道竭家所有選擇名
石南山之陽擢取妙好色無斑黃前設壇墀後建祠堂良匠
衛改雕文刻畫羅列成行攄騁技巧委蛇有章

武氏石闕銘

建和元年大歲在丁亥三月庚戌朔四日癸丑孝子武始公
弟綏宗景興開明使石工孟孚季弟卯造此闕值錢十五萬
孫宗作獅子直四萬開明子宣張仕濟陰年二十五曹府君
察舉孝廉除敦煌長史被病夭沒苗秀下遂嗚呼哀哉士女
痛傷